

Erste Kriegs- vnd Buszpredigt.

vnd Leute oberfeller/ dieselbige einnimmet/ darin allen frechen Gewalt vnd
 Muthwillen vbet/ die Person der Alten nicht ansihet/ der jungen Leuten nicht
 schonet/ allen Frevel vnd Muthwillen/ Schand vnd Vnzucht mit ihnen treibet/
 alle Früchte des Viehs vnd des Landes verzehret/ nichts von Korn/ Most/
 Del/ Wein/ Bier/ von Schafen/ Ochsen vnd Kindern oberlesset/ sondern alles
 auffrisset/ vmbmauerte Städte vnd Festunge blockquirt/ belägert vnd so
 lang ängstiget/ bis es die Mawren/ darauff sich die Einwohner verlassen/ nie-
 derreisset/ sie vmbbringt vnd veritiget. Nemlich/ daß diß nicht kommt von
 vngesehr/ auch nicht aus blossen Anstiffen vnd Feindseligkeit/ Haß/ Neid/
 Grimm/ Zorn/ Rachgier der Menschen/ als deren Feinden vnd Widerwer-
 tigen/ sondern ledig vnd allein von Gott dem H E R R N. Der H E R R
 wird ein Volck ober dich schicken/ sagt hie der Mann Gottes Mose. Zwar/
 Gott der ist nicht ein Gott des Kriegs/ des Raubens/ Plünderns/ Verher-
 gens vnd Verderbens/ sondern ein Gott des Friedens/ der Lust zum Frieden
 hat/ vnd den Menschen Friede gtebt auff Erden. So ist er auch an vnd vor
 sich kein Verderber/ sondern Liebhaber der Menschen. Wie hat er die Leut so
 berglich lieb? 5. Mos. 32. 5. Viel weniger hat er Lust zum Verderben der
 Menschen Leib/ Seel/ Haab vnd Güter/ vnd aller Vngerechtigkeitt/ Frevel/
 Gewalt/ Muthwillen/ so darbey vorgehet. Dann er hat nicht Lust zum Ver-
 derben/ Esch. 33. 11. Er ist allen gütig/ vnd erbarmet sich aller seiner
 Werck/ Psal. 145. 9. Daß er aber ein frembd Volck ober ein Land schicket/
 dasselbig ihm zum Raub gtebt/ das thut er gleich wider seinen Willen/ vmb des
 Volcks Sünde willen/ dieselbige zu straffen vnd heimzusuchen. Siehe/ der
 H E R R wird aufgehen von seinem Ort/ heimzusuchen die Bosheit der In-
 wohner der Lands/ Esa. 27. 2. Die Gewalt/ das Vnrecht/ der Frevel/ die
 Grewel vnd Sünde/ die von frembdem Volck geübet wird in ein Land/ so
 fern es Gewalt/ Grewel vnd Sünde/ ist nicht vom H E R R N/ sondern so
 fern es ein Straff/ damit er die Menschen beleet/ ist vom H E R R N/ wie
 Mose hie den Israeliten verkündiget/ daß ihnen zur Straff ein frembd Volck
 vber den Hals sol geschickt werden/ die so vbel mit ihnen/ ihren Kindern/ Haab
 vnd Gütern/ vmbgehen solten.

Daß nun die Oberfallung/ Verderben vnd Verhergung Land vnd Leu-
 ten von Gott dem H E R R N sey/ das wird vns 1. mit klaren Zeugnissen der
 Schrift befestiget. Hie sagt Mose mit hellen lautern Worten: Der H E R R
 wird ein Volck ober dich schicken/ 1c. Drumb wann dergleichen Volck ober
 ein Land kommet/ so kompt vom H E R R N. Der H E R R schicket es/ vnd
 leisset schnell kommen/ wie der Adler fleucht. Der H E R R ist der rechte
 Kriegsmann/ H E R R ist sein Name/ 2. Mos. 15. 3. Er ist der rechte Gene-
 ralissi-

Nemlich von
GOTT dem
HERRN.

Wie es von
Gott komme.

Zur Straff vnd
Rach vber die
Sünde des
Volcks.

Die Frevel/
gewalt ist nicht
vom HERRN/
so fern es Sün-
de/ sondern so
fern es ein
Straff ist.

Beweis dessen/
1. Mit klaren
Zeugnissen der
Schrift.

013

011

017

007

022

002

062

Ende

Anfang